

延喜式考異附錄

祥瑞考

下

太政官文庫			
		八〇四	和書門
六一〇	九四		
六一〇	九四		
冊	架	函	號類

內閣文庫			
		八〇四	和書類
七九	六一		
函	冊		
一五	架		

內閣文庫	
番號	和 8044
冊數	61 (61)
函號	179 68



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





式考異附錄下卷

從四位下行侍從兼出羽守源朝臣齊恒編輯

祥瑞考

儀制令

祥瑞應見若麟鳳龜龍之類依圖書合大
瑞者隨表奏其表唯顯瑞物色目及出處所不得苟
陳虛飾徒事浮詞上瑞以下並申所司元日以聞其
鳥獸之類有生獲者仍遂其本性放之山野餘皆送
治部若有不可獲及木連理之類不須送者所在官
司案驗非虛具画上其賞者臨時聽勅內裡式置

考異附錄下

皇太子版位於中階南十丈又南置奏賀位東去二

丈置皇太子謁者版位自此南去二丈更東折一丈

又置奏賀奏瑞行立位奏賀在西奏瑞在東相去二丈五尺又王公百

官再拜訖奏賀奏瑞者奏賀在前若在東位共進自位

諸仗共興奏瑞者西行北折進自馳道不至宣命板

一丈東折經左兵衛陣南更北折升階西折就行立

之位有頃奏賀者云二羣官客徒等再拜奏瑞者若

瑞者无前就位奏曰治部卿位姓名等申久某官位

姓名等我所申某物顧野王我符瑞圖曰云二孫氏

我瑞應畱曰云二止云利此瑞乎瑞書尔勘尔某物

又上瑞
中瑞共
作某瑞

波上瑞尔合利某物波中瑞尔合利止申世流事乎

恐美恐美毛奏給久止奏退復位唐書百官志礼部

郎中掌圖書祥瑞景星慶雲為大瑞其名物六十四

白狼赤兔為上瑞其名物三十八蒼烏朱雁為中瑞

其名物三十二嘉禾芝草木連理為下瑞其名物十

四今大瑞六十八種上瑞三十八種中瑞三十三種

下瑞一十五種合一百五十四種其異同見下

景星

原注德星也或如半月或如大星而中空○今案孫氏瑞應圖王者不私人則見春秋感精符

王者上感皇天則鸞鳳至景星見孝經援神契神靈滋液百寶為用則璣鏡出珠母見珠母璣鏡也事神明得則大珠有光白象至翠羽耀有景星白虎通王者德可為鏡至文表則見史記天官書其狀无常常出于有道之國孝經內事圖天子行孝德則見禮稽命徵王者出號施令叶民心制禮作樂得天意則見春秋演孔喆天子舉賢則放于天則見春秋運斗樞太微宮有五帝座星五帝所行同道異位皆斗樞機衡之分遵七政之紀故天樞則景星見甘露零鳳皇翔朱草生淮南子精神感於內形氣動於天景

星見黃龍下祥鳳至醴泉出嘉穀生河不滿溢海不溶波

慶雲原注狀若烟非烟若雲非雲○今案注與史記同又案景雲卿雲慶雲同史記尚書大傳共作

卿大寶四年五月甲午西樓上慶雲見改元慶雲

紀天武天平神護三年八月乙酉叁河慶雲見改元

神護景雲六月十六日七色相交十七日伊勢等由氣宮上五色雲起七月十日陰陽寮

美雲起二十三日東南角有雲天長三年七月辛

巳見豐樂殿西方其狀五色相雜如夾貞觀十八

年七月二十七日東山五雲見形如虹而非虹廣

四五祥瑞圖非氣非煙五色紛縕是謂慶雲亦謂

景雲也。清和紀引世二呈祥不可枚舉。或詳記其狀。或以祥改元。則抄出。下倣此。○案瑞應圖。景雲者。太平之應也。一名慶雲。禮斗威儀。君乘水而王。其政和平。則見。援神契。王者德至山陵。則出。已上日本紀。白虎通同。○王者德仁。明紀。承和元年。史作天子孝。亦德清和紀。貞觀十八年。作天子孝。史記。卿雲者。嘉氣也。西京雜記。董仲舒曰。雲則五色而為慶。三色而成喬。露則結味而成甘。結潤而成膏。此聖人在上。陰陽和風雨時也。白虎通。封禪德至山陵。則景雲出。芝實茂。陵出異丹。阜出蓬蒲。山出器車。澤出神鼎。

黃真人

原注金人也。案唐六典。作黃星真人。黃星事又曰。玉人也。見拾遺

記晉書。宋書符瑞志。以下宋志。云者倣此。金人王者有盛德。

則遊後池。齊書。瑞應圖。黃帝時遊于池。王者德腹

不聚貨利。則金人乘船游王後池。宋志。玉女天賜

妾也。禮含文嘉。禹畀宮室。盡力溝洫。百穀用成。神

龍至。靈龜服。玉女敬養。天錫也。

河精

原注魚身。案宋志。師曠時所受讖也。

麟

原注仁獸也。麋身羊頭。牛尾一角。端有完。案春秋公羊傳。仁獸也。有王者則至。詩麟之趾。章毛傳。信而應禮。以足至者也。

陸機疏。王者至仁。則出。春秋感精符。一角明海內。

共一主也。王者不剝胎，不剖卵，則出。宋志又云：明
 王動則有義，靜則有容，乃見。援神契：德至鳥獸，鳳
 凰翔，鸞鳥舞，麒麟臻，白虎見，白鹿來，狐九尾，白鳥
 下，雉白首。妃房不偏，故白雉應。○白虎通：雉，周書
 王會篇。倣此。周書：規矩以麟。孔晁注：麟，似鹿，牛，禮稽
 命，徵視明，禮修則來。又云：外內之制，各得其所。四
 方之事，无有留滯，則游囿，禮斗威儀：君乘金而王，
 其政平在郊，尚書中侯：黃帝軒提象配，循機天地，
 休通五行期化，麒麟在囿，鸞鳳來儀，運斗樞，衡星
 得則麒麟至，靈龜躍。又案見禮記禮運篇。

鳳

原注：狀如雀，五綵以文。雞冠，燕喙，蛇頸，龍形。

案山海經：見則天下安寧。

周書：西申以鳳鳥。鳳鳥者，戴仁，抱義，掖信，歸有德。
其形似雞，魚尾。說文：神鳥也。漢書：神鳥者，赤神之精也。禮
 斗威儀：君乘土而王，其政平則鳳集于林。尚書中
 侯：堯即政七十載，稷為大司馬，舜為大尉，德政清
 平，比隆伏羲。鳳皇巢于阿閣，謹林。禮稽命徵：貌恭
 體仁。鳳皇棲桐。洛書靈准聽，璫璣玉衡，以齊七政。
 曆象日月星辰，正月上日，舜受終，鳳皇來儀，黃龍
 感，朱草生，蓂莢華。春秋感精符：運斗樞，淮南子：共
 見景星下，援神契：白虎通。宋志：共見麟下。

鸞

原注狀如翟五彩以文案瑞應圖赤神之精鳳皇

之佐人君步行有容進退有度祭祀宰人咸有敬

讓節禮親親有序則至一云心識鍾律律調則至

詩含神霧王者德化充塞照洞八冥則臻尚書中

侯周公歸政于成王太平制禮鸞鳥見周書丘羗

鸞鳥大於鳳亦春秋演孔圖天子官守以墮舉則

在野援神契白虎通見麟下山海經見鳳下

比翼鳥

原注狀如鳧一翼一目不比不飛案瑞應圖王者德及高遠

則至周書巴人以比翼鳥爾雅南方有比翼鳥

同心鳥案宋志王者德及遐方四夷合同則至

永樂鳥

原注五色成文丹喙赤頭案蓋與世樂鳥一

物乎陳仁錫潛確類書云六典作永樂鳥南方異

物志世樂鳥五色頭上有冠丹喙赤足王者有明

德天下太平則見

富貴

原注鳥案未詳

吉利

原注鳥案未詳

神龜

原注黑神之精也五色天智帝九年六月獲龜

背書中字上黃下玄天武帝十年九月辛丑周芳

獻赤龜天武靈龜元年八月丁丑左京人獻靈龜

長七寸濶六寸左眼白右眼赤頭著三台脊負七

星前脚並有離卦後脚並有一爻腹下赤白兩點

中當
作午

相次八字。養老七年十月癸卯。左京人獻白龜。長一
寸半。廣一寸半。兩眼並赤。○今神龜六年五月己
卯。左京職獻負圖龜。蓋因此瑞。長五寸三分。濶四寸五分。其
背有文云。天王貴平。知百年。

八月改元天平。聖武紀。天平十七年十月辛亥。河內
得白龜。長九分。濶七分。兩
目並赤。○同紀。景雲二年七月壬申日
向獻白龜。高野紀。承和十五年五月壬申。太宰府獻
白龜。六月庚子改元嘉祥。仁明貞觀十二年二月
二十九日。佐渡獻奇龜。鳥嘴赤甲黑。已上見國史。
他不狀其狀。援神契。天子孝則天龍降。地龜出。武
者。此不抄。紀。仁明紀。共天能氏瑞應圖。王者不偏不黨。專用
子。作孝道行。

者老不失故舊。德流洽則靈龜。聖武紀。作神龜。高
野紀。仁明紀。共作
靈龜出。已上二條。援神契。王者德澤洽則神龜來。禮
元正紀。含文嘉外內之制。各得其宜。則山澤出靈龜。文德
紀。亦
引。此後魏書。冀州獻白龜。王者不私人。以官尊者
條。任舊無偏無黨之瑞也。已上三條。史記。神龜者天
下之寶也。與物變化。四時變色。居而自匿。伏而不
食。春蒼夏赤。秋白冬黑。高野紀。所引案宋志。王者
○龜策傳文。德澤湛清。漁獵山川。從時則靈龜出。德至淵泉。則
雉出。龜書。雉書。靈准聽。靈龜者玄文五色。神靈之
精也。上隆法天下。平象地。能見存亡。明于吉凶。王

考異附錄下

者不偏黨尊者老則出禮稽命徵言從文成則神
龜在沼禮含文嘉見玉女下運斗樞見麒麟下

龍原注被五色以遊能幽能明能案瑞應圖黃龍四

龍之長五方之正色神靈之精也王者不瀝池而

漁德達深淵則應和氣而遊於沼池援神契德至

深泉則黃龍見醴泉涌澤出蓬蒲河出圖洛出書

白虎通同黃龍見者君之象也又天龍見龜下禮稽命

徵聽聰知正則名川出龍禮含文嘉見玉女下

騶虞原注義獸也狀如虎白色黑案詩毛傳有至信

之德則應之文選注齊書祥瑞志至德則出

白澤原注一名澤獸能案山海經東望山有獸名曰

白澤能言語王者有德明照幽遠則至宋志神獸

也能言達于萬物之情以戒於民為時除害黃帝內傳

同

神馬原注龍馬長頸駘上有翼踏水不沒騰黃其

○騶褭赤喙黑身日行三萬里○飛兔日行三萬里

○白馬赤髦○青馬白髦○駒騶狀如馬出于

北海○駛騶自能言語今案六典作神馬龍馬出

于茲白又無飛兔騶褭白案白雉元年詔曰聖王

出世治天下時天則應之譽田天皇之世白鳥操

宮犬鷦鷯帝之時龍馬西見孝德紀大寶二年四月

乙丑飛驒慶雲元年五月甲午備前獻神馬天武紀

瑞應圖龍馬者神馬也宋志作仁馬河水之精有明王

則見援神契德至山陵則澤出神馬山出根車阜

出黑丹博物志和氣感則生朱草山出象車澤出

神馬陵出黑丹江南大貝海出明珠仁主壽昌民

延壽命天下太平

騰黃案符瑞圖一名乘黃或曰飛黃或曰翠黃一

名紫黃王者輿服有度則出宋志神馬也其色

黃王德御四方則出周書白民乘黃乘黃者似

麟山海經引狐背有兩角之壽二千歲抱朴子騰

黃吉光皆能人語

飛兔案瑞應圖神馬之名也日行三萬里禹治水

勤勞歷年救民之害天應其德而至

騶裊案瑞應圖神馬也金喙赤身日行萬八千里

與飛兔同漢武帝紀應劭注作赤喙君有德則

至宋志各隨其方而至以明君德也

澤馬案宋志王者勞來百姓則至陰嬉識聖人為

政澤出馬書注

白馬赤鬃案宋志王者任賢良則見

白馬赤鬣案未詳或黑身赤鬣而周書所謂文馬

之類乎。周書犬戎文馬而赤鬣編身目若黃金名古黃之乘

青馬白鬣案聖武帝天平三年十二月丙子甲斐

獻神馬。黑身白髮尾符瑞圖神馬者河之精也。援神

契德至山陵則出神馬。又十一年三月癸丑對

馬出神馬。青身白髮尾符瑞圖青馬白鬣尾者神馬

也。聖人為政資服有制則出。又曰王者事百姓

德至丘陵則澤出神馬。武紀聖神護景雲二年

七月壬午日向獻青馬白鬣尾。願野王符瑞圖

云：同上。援神契德協道行政至山陵則澤出

神馬。高野紀

駒駮案原注出山海經瑞應圖幽隱之獸也。有明

王在位則至。宋志為時辟除災害。周書禹民駒

駮

駮駮案宋志后土之獸也。自能言語。王者仁孝於

國則來。禹治水而至。

周市。原注神獸也。知案周市周印蓋一物。宋志周印

神獸之名也。知星宿之變化。王者德盛則至。

角端。原注日行萬八千里。能言語曉四夷語。○今案

色綠云。其角端能言四方語。如鹿而馬尾。其

好生惡殺。○又案原注與宋志同。宋志明君聖主

解鷹原注如牛一角或狀如羊有案說文神奇之獸

也一名任法狀如羊一角古者決訟令之以觸不

直者宋志知曲直獄訟平則至

比肩獸原注前足不原注後足原注案瑞應圖王者德及幽隱

寡無棄則至宋志爾雅北方有比肩獸

六足獸原注瑞案宋志王者謀及衆庶則至

茲白原注似白馬案周書義渠以茲白注云

一名駁

白象原注其形案瑞應圖王者自養有道則至宋志

節負不死藥來接神契見景星下

一角獸原注麟首鹿形案宋志天下平一則至齊志天

子萬福乞集則至

天鹿原注純靈之獸也五色光耀洞明一角長尾

者或為案宋志五色光觀洞明王者道備則至

鼈封原注若舜前後有案周書區陽以鼈封

首耳原注身若虎豹尾長於案周書史林以尊耳山海

豹犬原注鉅口赤身四足三目瑞應圖匈奴獻豹犬

錐頭高尺見佩文韻府潜確居類

露犬原注能飛食虎案周書渠叟以豹犬露

犬也。

玄珠 案宋志水泉流通四海會同則出。

明珠 原注夜有光如月之案禮斗威儀王者其政平。

德至淵泉則江漢出明珠白虎通德至淵泉則出。

明珠 援神契同宋志王者不盡介鱗之物則出運斗樞。

搖光得則陵醴出玄芝生吐大貝海出明珠博物

志見神馬下。

珠鏡 案援神契見景星下

珠瑛 案未詳

玉英 原注不琢自成光案符瑞圖玉瑛者仁寶也不

斲自為光若白華援神契玉有英華之色也神露

滋則有玉英宋志五常並修則見雒書靈准聽王

者服飾不踰祭服則出。

玉璧 案六典作玉璧琉璃在上瑞中

山稱萬歲 案漢書武帝紀親登嵩高御史乘屬在

厠傍吏卒咸聞呼萬歲者三 荀悅注萬歲山神稱之也

慶山 案未詳廣德神異錄唐高宗朝新豐出山高

二百尺改新豐為慶山縣又名勝志慶山在臨潼

唐武后時忽風雷湧出此山高六尺餘漸高至三

百餘尺武后以為祥因曰慶山而設縣焉案此所

附錄

十一

考異

十一

謂慶山亦斯類乎。

山車原注自然之精案禮斗威儀君乘木而王其政太

平山車垂句山車者自然之車也援神契木根車

應載萬物金車王者行仁德則出虞舜德盛于山

陵故山車出山車者自然之物也山藏之精與象

車相似舜時德盛山車有垂綏宋志山藏之精不

藏金玉山澤以時通山海之饒以給天下則山成

其車

象車原注山精也案宋志王者德澤流洽四境則出博物

志見神馬下

鳥車原注山精也案未詳

根車原注山木根連象車也應載養萬物案援神契見神馬下宋志與

同白虎通見慶雲下

金車案瑞應圖舜時見帝庭齊志王者至孝則出

宋志同援神契見山車下

朱草原注如小棗裁長三四尺枝葉皆丹莖如珊瑚案援神契王者德至草

木則生以白虎通同而有赤草也十一字一云可食王者

慈仁則生禮斗威儀君乘金而王其政頌平則生

尚書中侯文命感得俊人在官則生郊春秋感精

符化洽于地則生食之不死宋志草之精也世有

考異附錄

廿二

考異附錄

廿二

聖人之德則生鷦冠子聖王之德下及萬靈則生

大戴禮朱草日生一葉至十五日生十五葉十六

日一葉落終而復始案抱朴子云如小葉長三四尺枝葉皆丹汁如血翔望生

落如蓂莢博物志見神馬下運斗樞見景星下

周而復始原注生于帝庭若階佞案出帝王世紀博物志

屈軼原注入朝則草屈而指之案出帝王世紀博物志

蓂莢原注夾階而死案瑞應圖圓葉而五色一名歷莢

十五葉日生一葉從朔至望畢從十六日毀一葉

至晦而盡月小則一葉卷而不落聖明之瑞也人

君德合乾坤則生接神契王者德至地則華華感

嘉禾生蓂莢出白虎通云嘉禾生帝王世

紀堯時有蓂莢夾階而生每月朔一莢生至十五

日而足十六日一莢落至晦而盡若月小盡餘一

莢厭而不落王者不必按曆而知朔唯盛德之君

應和而生以為堯瑞名曰蓂莢又曰曆見又曰仙

茆尚書中侯周公旦即攝七年蓂莢生白虎通曰

曆得其分則蓂莢生于階間蓂莢樹名也

平露原注樹名也其形如蓋生于庭以候四方案瑞

應圖王者不私人以官四方政平如蓋則生于庭

末志平露如蓋以察四方之政其國不平則隨方

而傾白虎通平路賢不肖位不相踰則生又云官

位得其人則生失其人則死

蕙蕭

原注樹名也其形似蓬枝多葉案宋志一名倚

扇狀如蓬大枝小根如絲轉而成風殺蠅堯時生

於厨古微書援神契注引瑞應圖云蕙蕭樹名也

多葉少根如絲轉而風生主飲食清涼驅殺帝王

世紀堯時厨中生肉脯薄如翼形搖鼓則生風使

食物不覺一名倚扇白虎通王者德至山陵則阜

出蕙蕭又云孝道至則以蕙蕭樹名也其葉大於

門扇不搖自扇於飲食清涼助供養也春秋潛潭

巴君臣和得道度叶中則蕙蕭補生于庖厨韻會王

者不嗜味則生援神契見龍石

蒿柱

原注蒿茂大案大戴禮周時德澤洽和蒿茂大

以為宮柱名為蒿宮又見竹書紀年

金牛

原注瑞器也案瑞應圖土地開闢則至

玉馬

原注瑞器也案瑞應圖王者精明篤賢則至宋志篤

玉猛獸

原注犬子食氣飲露也案未詳

玉瓊

原注汲自滿案瑞應圖聖人之應也不汲自盈王者

飲食有節則出宋志王者清廉則出

神鼎

原注不汲自滿也案晉中興書金鏡之精神器

也不舉自沸不炊自熟不汲自盈不舉自蔽不遷

自行文明應運而出宋志質文之精也知吉凶能
重能輕不炊而沸五味自生王者盛德則出白虎
通見慶雲下

銀甕原注不案瑞應圖王者宴不及醉刑罰中人

為非則出援神契神靈滋液有銀甕

瓶甕原注不案未詳六典不載

丹甕原注不案宋志五穀豐熟則出

醴泉原注美甘狀如醴酒案持統帝七年出于近江益

須郡都賀山病者飲之多差持統靈龜二年十一

月癸丑詔曰朕以今年九月到美濃國不破行宮

光武中
元元年

留連數日因覽當者郡多度山美泉自盜手面皮

膚加滑亦洗痛處无不除愈在朕之躬其驗又就

而飲浴之者或白髮反黑或頰髮更生或闇目如

明自餘痼疾咸皆平愈昔聞後漢光武帝時醴泉

出飲之者痼疾平愈符瑞書曰醴泉者美泉也可

以養老盖水之精也寔惟美泉即合大瑞改元養

老元正仁壽四年七月丙午石見國醴泉出詔曰

濁醪狀十二月甲寅改元齊衡文德瑞應圖王者

理訟得所醴泉出于京師案孝經正義引瑞應圖

降膏露地宋志王者修理則出尚書中侯堯祗德

匪懈醴泉出。文命盛德，俊乂在官，醴泉出。禮含文嘉，神農修作耒耜，地應之以醴泉，就田作耨，天應之以嘉禾。禮斗威儀：人君乘水而王，則出禮稽命徵。王者刑殺當罪，賞賜當功，得禮之制，則出。援神契：見龍下，運斗樞，見明珠下。淮南子：見景星下。

浪井 原注：不鑿自成之。案：瑞應圖：王者清靜則出井，而騰波浪者也。

河水清 案：易乾鑿度：天降嘉應，河水先清三日，清變為白，白變為赤，赤變為玄，玄變為黃，各三日，拾遺記：黃河千年一清，至聖之君，以為大瑞。

河水五色 案：蓋乾鑿度所謂變為某之類，六典作

江河水五色

江水五色 案：六典見上

海水不揚波 案：禮斗威儀：君乘木而王，則海夷，又

君乘土而王，其政太平，則江海不揚洪波。淮南子

見景星下。

右大瑞。陸拾捌種。案：唐志云：大瑞，陸拾肆種，六

典，龍馬神馬分為二，河水五色，江水五色，合為

一。元飛兔，要鬣青馬，赤髦瓶瓊，凡陸拾肆種。

三。白狼 原注：瑞也。案：宋志：先王法度修，則至。

白狼 原注：金也。案：瑞應圖：王者仁德明，摛則見。一云：王者進退

動靜準法 宋志周宣得之而犬戎服

赤寵原注神案援神契見則姦冗自遠

赤熊 案援神契神靈滋液百珍寶用則見宋志佞

人遠姦滑息則入國

赤狡原注其角如牛音如犬吠○案六典无赤字山

海經玉山有獸其狀如犬而豹文其角如牛其名

曰狡其音如吠犬見則其國大穰慧琳弘明集音

赤菟 案瑞應圖瑞獸也王者德盛則至宋志

九尾狐原注神獸也其形赤色案瑞應圖六合一則

見文王時又云王者不傾于色則至白虎通德至

鳥獸則狐九尾狐九尾何狐死首丘不忘本也明

安不忘危也必九尾者也九妃得其所子孫繁息

也於尾者何明後當盛也周書青丘狐九尾山海

而為瑞也太平則出運斗樞璣星得則狐九尾援神契見麟

下

白狐原注岱宗案宋志王者智仁則至河圖掘矩記

黃帝生先致白狐

玄狐原注神案和銅五年七月壬午伊賀獻玄狐詔

曰黑狐即合上瑞王者治致太平則見元明宋志

北山有黑狐神獸也王者治致太平則此獸見四

夷來貢周成王時嘗有之周書不文令玄模玄模黑狐也

白鹿

原注仁鹿也色如霜雪○案按劉案仁德帝五鹿當作歟文德紀亦云足稱仁歟

十三年上毛野竹葉瀨使新羅途獲白鹿以歸獻

之仁德寶龜元年五月壬申先是伊豫獻白鹿太

宰獻白雀大臣奏曰禮樂備而政化洽刑獄平而

閣闈清風雲改色飛走馴仁高野齋衡三年十月

廿日常陸言木連理十二月十三日美作獻白鹿

四年二月己丑改元為天安緣常陸美作有白鹿

木連理之瑞文德貞觀十九年正月乙亥但馬獲

白雉二月丙辰尾張言木連理閏二月癸巳備後

獻白鹿四月丁亥詔曰曰瑞建元非无故實嗣位

紀號既有前聞改貞觀十九年為元慶元年同七

年神泉苑產白鹿渤海來朝陽成瑞應圖純善之

歎也王者敦孝道則見一云王者明惠及下則見

宋志一云王者承先聖法度无所遺失則來禮斗

威儀君乘水而王其政和平則北海輸白鹿周書

黑齒白鹿援神契白虎通共見麟下

白麋

原注白鹿也案宋志王者刑罰理則至

兕

原注形如牛蒼黑色或青色有一角重二千斤案六典作白兕皮制鎧角

為爵者未足為瑞恐以白色為瑞而與此注齟齬
无所攷

玄鶴 案瑞應圖王者知音樂之節則至古今注千

歲則變蒼又二千歲則變黑所謂玄鶴也字書神

仙鳥也見則為祥瑞也見慧琳音義

青鳥原注南案據注礼斗威儀所謂蒼鳥

赤鳥 案慶雲二年九月癸卯越前獻文武延曆三

年六月辛亥普光寺僧勤韓獲赤鳥續日瑞應圖

王者不貪天下而重民命則至禮稽命徵得礼之

制澤谷之中有赤鳥宋志斗頌精也王者孝行溢

則見

三足鳥原注日案瑞應圖王者慈孝天地則至運斗

樞維星得則鳥三足春秋元命包陽精也

赤燕 案未詳

赤雀 案延曆四年五月癸丑詔曰四月晦日有赤

雀一隻集于皇后宮晨夕栖息旬日不去仍下所

司令檢圖諫孫氏瑞應圖曰赤雀者瑞鳥也王者

奉己儉約動作應天時則見云二續日本紀

比目魚原注出於東案宋志王者德及幽隱則至史

記齊桓公既霸會諸侯於葵丘而欲封禪管仲曰

皇朝附錄

世九

皇朝附錄

世九

東海致比目之魚。西海致比翼之鳥。然後物有不
召而自至者十有五焉。

甘露

原注美露也。神靈之精也。凝如脂。其甘如飴。一名膏露。

案天武帝七年十

月甲申朔有物如綿。零於難波。長五六尺。廣七八寸。則隨風以飄于松林及葦原。時人曰甘露也。武
紀嘉祥三年七月乙酉石見獻甘露。味如飴。饒公

卿抗表曰。臣等謹案瑞應圖曰。王者和氣茂則甘
露降于草木。食之令人長壽。文德紀禮斗威儀。君乘

水而王治政。則軒轅之精散為甘露。援神契。王者
德及于天。則降甘露。白虎通同云。美露也。宋志。王

者德至大。和氣盛則降。耆老見敬。則松柏受之。尊
賢愛老。不共。細微則竹葉受之。春秋繁露。太平之
世。露則結味而成甘。結潤而成膏。鵲冠子。聖人之
德上及太清。下及太寧。中及萬靈。則膏露降。論衡。
王者太平則降。運斗樞見麟下。

廟生祥木

原注生木赤木亦同。禮稽命徵。王者得禮

之宜。則宗廟生祥木。得禮之制。則澤谷之中生赤

木。

福草

原注瑞草也。朱草。禮斗威儀。君乘木而王。其政

昇平。則福草生。宋志。宗廟肅瑞應圖則福草生。宗

廟之中。

禮草 案未詳

萍實

原注萍水草也。大如斗。圓而赤。可割而食之。吉祥也。案孔子家語。唯霸者

為能獲焉。

大貝

原注貝自海出其大盈車。案瑞應圖。王者不貪財寶則出。宋志

同。白虎通。德至淵泉。則江出大貝。援神契。見龍下。

博物志。見神馬下。運斗樞。見明珠下。

白玉赤文紫玉玉羊

原注瑞器也。案白玉未詳。

赤文 案未詳。河圖洛書赤文綠字。數見尚書中侯。

蓋是欵。

紫玉 案宋志。王者不藏金玉。則黃銀紫玉光見于

深山。雜書靈准聽同。禮斗威儀。君乘金而王。則黃銀紫玉

見于深山。

玉羊 案瑞應圖。王者鐘律和調。五聲當則出。

玉龜玉牟玉典

原注瑞器也。案瑞應圖。玉龜者。師曠時出。

神泉之涯。隋書云。玉龜頭。永昌之慶。玉牟案未詳。

玉典 案瑞應圖。王者仁慈則見。

玉璜

原注瑞器也。案未詳。

黃銀 案本草拾遺。瑞物也。可辟惡。唐杜如晦傳。世

傳黃銀鬼神畏之。宋志。禮斗威儀。見紫玉下。

考異附錄下

二十一

考異附錄下

二十一

金勝原注仁寶也不劉自成案六典作金藤宋志國

平盜賊四夷賓服則出晉穆帝永和元年二月春穀民得金勝一枚長五寸狀如織勝明年桓温平

蜀

珊瑚鈎原注瑞寶也案瑞應圖王者恭信則見援神契瑞

寶也神靈滋液百珍寶用則見

駭雞犀及戴通原注有一白理如線又其角有光案

宋志王者賤難得之物則出

辟琉璃原注不琢自成實有光耀案六典作璧玉琉璃援神契神

明滋液則琉璃鏡則琅玕景則碧玉出宋志王者

不隱過則辟琉璃至

雞趣案符瑞圖王者有德則見又名長離六典作

雞趣璧宋志玉羊玉雞璧流離列載曰玉雞王者

至孝則至瑞應圖玉雞瑞器也王或一物也乎禽

經云鸞一曰雞趣蓋當別物矣

右上瑞參拾捌種唐志六典同

白鳩案符瑞圖王者養者老尊道德不以新失舊

則至國史見別錄

白鳥原注白鳥太陽之精也案神護景雲二年八月己酉參河

獻白鳥九月辛巳勅曰付所司令勘圖謀奏備顧

野王符瑞曰白鳥者太陽之精也孝經援神契曰德至鳥獸則白鳥下高野瑞應圖至孝之應又

曰宗廟肅敬則至宋志孝德紀見龍馬下

蒼鳥原注鳥而蒼色江海瑞應圖文王時見蒼鳥王

者孝悌則至宋志賢君修好孝慈於萬姓不好殺

生則來禮斗威儀君乘木而王其政昇平南海輸

以蒼鳥

白畢 案六典作白澤

白雉原注成宗案大化六年二月庚午朔穴戶獻白

雉僧旻曰伏聞王者德旁流四表則白雉見今案

感精又王者祭祀不相踰宴食衣服有節則至今

援神契同又王者清素則出又王者仁聖則見今

周成王時越裳氏來獻白雉曰吾聞國之黃者曰

久矣無別風淫雨江海不波溢三年于茲意中國

有聖人乎盍往朝之重三譯而至又晉武帝咸寧

元年見松滋甲申羣臣奏賀曰陛下以清平德治

天下之故爰有白雉自西方出詔曰云云改元白

雉孝德天武帝元年壬申信濃獻白雉改元白鳳

帝王編年紀○案日本史云本書不揭年號以壬

申歲為元年考續日本紀聖武紀神龜元年十月

詔曰白鳳以來朱雀以前玄遠尋二年三月壬寅

備後獻白雉。日本紀○日本史神護景雲二年六月癸巳武藏獻白雉下羣臣議之僉曰雉者良臣一心忠貞之應白乃聖朝重光臨照之符云。
野高

雉白首 案援神契見麟下

翠鳥 原注羽有光耀也 案諸本作翠鳥誤六典作翠鳥可從

援神契作翠羽 宋志同 見景雲下 周書倉吾翡翠翡翠者所以取羽

黃鵠 案未詳 見漢昭帝始元元年章帝元和二年

小鳥生大鳥 案宋志王者土地開闢則至 唐書云永徽五年萬年宮有小鳥如雀生子大如鳴鳩

如鳴鳩

朱雁 案未詳漢武帝紀行幸東海獲赤雁作朱雁

之歌薦郊廟

五色雁 案未詳漢書郊祀志宣帝於西河築世宗

廟告祀有五色雁集殿前

白雀 案援神契王者奉已約儉臺榭不侈尊事耆

老則見宋志王者爵祿均則至

赤狐 案未詳

黃羆 案一本作黃熊詩大雅韓奕章獻其貌皮赤

豹黃羆傳曰追貊之國來貢也疏云豹羆亦其皮

也蓋此類乎周書東胡黃羆

青熊。案六典作青燕。周書不屠何青熊。

玄貉。案未詳。

赤豹。案見黃羆下。

白兔。原注月之精也。其壽千歲。案瑞應圖王者思加者老則見。宋志

作敬者老

九真奇獸。原注駟形麟色。案漢宣帝紀晉灼注同。

流黃出谷。原注土精也。案淮南子玄元至碣而運照竹實

滿流黃出。

澤谷生白玉。案禮稽命徵王者得禮之制則澤谷

之中乃生白玉。

琅玕景。原注玉有光景者。案符瑞圖玉之有光者援神契見

琉璃下。

碧石潤色。案宋志碧石者王者玩好之物棄則至

地生珠。案生六典作出。宋志王者不以財為寶地

生珠。

陵出黑丹。案宋志王者修至壽則出。援神契博物

志共見神馬下。白虎通見景雲下。

威委。原注瑞木也。以為琴瑟也。可案六典不載。瑞應圖宋志有威

香。字相近。然其物草木而不可充琴瑟之材。或瑞

應圖所謂王者任賢良則梧桐生于東廂之類。而

其物逸以與次條威綏相混乎

威綏 案瑞應圖王者盡人倫則生于殿前宋志王

者禮備則生于殿前

延喜 原注瑞案宋志作延禧案論語摘補注云援神

契天子至德属于四海則生宋志王者孝道行則

至

福并 原注瑞案未詳

紫脫常生 原注瑞案瑞應圖王者仁義行則常生禮

斗威儀人君乘土而王其政太平紫脫常生宋均

曰紫脫北方之物上值紫宮元言常生者不死也

文選 宋志脫作達

賓連達 原注樹名也一名賓連濶達其狀連累相承生房戶象繼嗣也○案白虎通同案瑞

應圖王者嫡庶有序男女有別則賓連閱一名賓

連達一名賓連濶白虎通繼嗣不明則賓連生于

房戶宋志王者御后妃有節則賓連濶達生于房

室 善茅 原注其頭若雄雞佩案據頭若雄雞即周書所

謂善芳也鳥名也扱一茅三脊則所謂靈茅也注

文自西義未知孰是然在草木中則為靈茅恐是

也乎周書奇幹善芳善芳者頭如雄雞佩之令人

不昧善芳鳥名又一茅三脊即三脊茅見史記封禪書
六典禹貢孔疏孟康曰靈茅也

草木長生原注草木有益於案禮稽命徵王者出號

施令叶民心制礼作樂得天意則草木有益于人者長以養民

右中瑞參拾叁種唐書六典共參拾貳種

秬秠原注秬者一稭二米者黑黍秠者一稭二米者案瑞應圖秬鬯者三隅之黍

一稭二米王者宗廟修則生宋志又昭穆序祭祀

宰人咸有敬讓礼容之節威儀之美則生又王者

節敬依礼度親疎有別則生黃帝時南夷乘白鹿

來獻詩大雅生民章誕降嘉種維秬維秠鄭箋云

天應堯之顯后稷也援神契白虎通共見冀莢下

嘉禾原注或異畝同穎或孽連數穗或一稭二米案天武帝七年忍海連

獻瑞稻五莖每莖有枝同八年縵忍勝獻嘉禾異畝同穎曰

幡獻瑞稻每莖有枝已上天武紀持統帝六年伊勢獻嘉禾

形狀欠欠文武帝元年京人大綱百足獻嘉稻形狀

欠大寶二年近江獻嘉禾異畝同穗已上文武紀神龜四年

河内獻嘉禾異畝同穗聖武紀弘仁五年大和八島寺有

嘉禾一莖十八穗仁壽元年河内獻嘉禾一莖三

德貞觀十一年備前獻嘉禾二莖一莖十九穗一莖六穗○清和一

紀元慶八年甲斐生嘉禾其一十三莖五穗其
成延喜五年上野獻嘉禾圖一莖九穗○陽
紀延喜五年上野獻嘉禾圖日本紀畧瑞應圖
異畝同穎謂之嘉禾宋志五穀之長王者德盛則
二苗同秀白虎通嘉禾者大禾也成王時有三苗
異畝而生同為一穗周公曰天下當和為一乎果
有越裳氏重九譯而來矣運斗樞璇星得則嘉禾
液春秋說題辭天文以七立精以五故嘉禾之滋
五尺五七三十五神盛故連莖三十五穗以成盛
德禾之極也禮含文嘉春秋感精符共見醴泉下
淮南子見景星下

芝草

原注形似珊瑚枝葉連結或丹或紫或黑或金色或隨四時變色一云一年三華食之令眉壽

案皇極帝三年大和言菟田郡人押坂某遊山得
紫菌高六寸許而食之无病而壽皇極天武帝八
年紀伊貢芝草其狀似菌莖長一尺神龜三年宮
中生玉來救朝野文人上詩賦聖武天長四年大
枝總成獻四莖同七年真野王獻已上承和二年
清原夏野獻芝艸一莖兩枝一莖長一尺六其色
紫朱相雜仁明仁壽元年駿河獻瑞草紫葉朱莖
文德瑞應圖草之精也王者德无所不通四方有
歌詠之聲則生又云王者敬事耆老不失故舊則

生接神契王者德至草木則木連理芝草繁宋志

王者慈仁則生瑞命禮同顧野王曰王者德感山川丘

陵則芝草植慧琳音義

華平原注其枝正平王者德強則仰弱則低也案接神契瑞應圖祥瑞圖

六典作華華瑞應圖其枝正平王者有德則生德

剛則仰柔則俯宋志同白虎通華華者其枝正平

王政令均則生今本白虎通无此文而云德至地則大平感或大平華平一物乎

薛綜曰華平瑞木也天下平則其華平有不平處

其華向其方傾文選東援神契見蓂莢下又符瑞

圖雙蓮為華華獻瑞蓮一莖二花者見舒明皇極

元明光仁清和等紀

人參生原注是案運斗樞搖光星散而為人參人君

廢江淮山瀆之祠斬代无度則搖光不明人參不

生禮斗威儀君乘木而王有人參生下有人參上

有紫氣

竹實滿原注滿案淮南子見流黃下

樹桂合生案運斗樞樹桂合剛陽樹桂陽星之精所生也合猶連

體而樹桂連名士起

木連理原注仁木也異本同枝案國史所載不可枚

舉又有草連理見皇極紀曰三年六月癸卯大伴

長德獻百合華其莖長八尺其本異末連符瑞志
異根同體謂之連理宋志王者德澤純洽八方同
一則木連理瑞應連理者仁木也或異枝還合或
兩樹共合漢終軍傳其枝旁出輒復合于木上衆
文內附示无外也援神契見芝草下

嘉木案木一作本其品物符應未詳蓋李謙紀所
謂大和城下郡大和神山生竒藤其根彫成十六
字王大則并天下人此內任太平臣守昊命太平
年唐大曆中亦有成都瑞木有文天下太平見金
史恐此類是乎

戴角麀鹿原注北鹿案未詳

駁麀原注如案一作駁麀又作駁麀作駁麀六典作

駁鹿又駁鹿見漢武帝紀當時以為瑞麀麀鹿字
相近未知孰是孰否

神雀原注五色者也又大如鸚雀黃喉白頸黑脊案

互合看漢宣帝紀詔文

冠雀原注戴冠者也案未詳六典不載

黑雉案未詳

白鵲案未詳六典不載曹植作白鵲頌蓋當時為
祥

右下瑞壹拾伍種。唐書云拾肆種。六典拾叁種。恐壹種逸。

延喜式考異附錄下 終

別錄

日抱戴 貞觀九年十一月晦日乙丑。日上有冠。左

右有珥。色黃白。清和元慶八年正月乙酉廿三日。

日有冠。右有珥。色黃。左有白虹向日。是名日抱。陽成

案援神契。王者德及于天。則日抱戴。又黃氣抱

日。輔臣納忠。瑞應圖。君賢得土地。則日有黃抱。

老人星 延曆二十二年十一月戊寅朔。百官詣關

上表曰。有司奏稱。老人星見。臣等謹案。元命苞曰。

老人星者。瑞星也。見則治平主壽。類聚昌泰三年

十二月十一日乙丑見。紀案孫氏瑞應圖。承天則

老人星臨其國。春秋運斗樞。王政和平。則老人星臨國。萬民以歌。春秋文耀鉤。見則主安。又云。王者安靜則見。

紫雲 仁壽二年二月丙辰播磨五月癸巳大和文

紀 天安三年正月戊寅廿一日美濃貞觀十四年

二月廿一日佐渡十三年十一月十八日十四年

十二月十二日十五年二月十五日飛驒大野郡

愛寶山見清和紀

赤雲 貞觀十八年八月庚戌六日日入之時赤雲

八條起自東方直指西方廣殆及竟天瑞祥志天

氣峙時山川出雲古云氣如大道一條若三四五

條者大赦人民安樂清和紀案隋書天文志太平之

應也一日昌光赤如龍狀聖人則見同上

瑞雞 天武帝四年正月壬戌大倭貢五年四月辛

丑添下郡貢其冠如海拓榴花天武紀

白山鳩 持統帝八年六月庚申河內更荒郡獻焉

持統紀

白鷹 天武帝四年正月壬戌東國貢天武紀

白鷓鴣 雄畧帝十一年五月朔近江粟太郡上言

有白鷓鴣集谷上演詔置川瀨舍人雄畧紀

白燕。天武帝六年六月。葛野郡。天武持統帝三年

八月讚吉御城郡。持統文武帝三年八月。伊豫慶

雲元年七月。左京神龜二年正月。山背備前。文武

延曆三年五月。攝津。桓武大同三年五月。播磨。平

貞觀八年六月。丹波。清和元慶四年七月。伯耆

獻馬。陽成

三足雀。天武帝十二年正月庚寅。筑紫大宰貢。丙

午宴親王以下群臣於大極殿觀之。天武

白雁。和銅五年三月戊子。美濃獻馬。元明

白鳩。文武帝三年三月。河內錦部郡。慶雲三年五

月。河內石川郡。文武和銅六年正月。備前。元明養

老四年正月。大宰府。元正神護景雲三年五月。伊

勢員辨郡獻馬。高野符瑞圖見中瑞。

白鷓。和銅八年正月朔。丹波獻馬。元明

鷓。神武帝戊午年十二月朔丙申。討長髓彥不克。

適天陰雨。冰有金色。靈鷓集。天皇弓弭。其光輝暎

煜如流電。賊軍眩迷不能復戰。神武天武帝四年

正月壬戌。近江貢白鷓。天武

白茅鷓。天武帝十年八月壬午。伊勢貢馬。天武

白巫鳥。天武帝九年三月朔。攝津貢馬。同上

木兔鶴鷄

仁德帝之生

應神帝二十一年

有木兔入殿是

日大臣武内宿禰亦生子鶴鷄入室應神帝以為

祥以其鳥名相易名子

仁德紀

白蝙蝠

持統帝八年飛驒荒城郡獲焉

持統紀

麟角

天武帝九年二月辛未有人得獸角於葛城

山以獻之其本二枝而其末合有肉時人以為麟

角

天武紀

白猿

元慶三年十一月二十七日石見獻焉

陽成紀

白鼠

見聖武高野光仁桓武平城諸紀无賞賜

白鼈

文武帝元年九月丙午近江獻焉

文武紀

白蛾

持統帝六年九月癸丑越前獻焉詔曰獲於

角鹿郡浦上之濱加笥飯神封

持統紀

蚕

天平勝寶九年八月己丑駿河益頭郡人金刺

麻呂獻蚕兒成字其文云五月八日開下帝標知

天皇命百年先是三月戊辰王宮承塵帳現天下

太平之字於是改元天平寶字

高野紀

黃金

文武帝五年三月戊子治陸奥金鉏甲午對

馬貢金

二年治金鉏

建元曰大宝

天武紀

天平二十一年

二月丁巳陸奥小田郡貢金四月丁未改元天平

感寶七月甲午讓位皇太子改曰天平勝寶

高野紀

